



Stofnað 1995

KKA akstursíþróttafélag Ársskýrsla 2012

Árið 2012 var stjórn félagsins skipuð með eftirfarandi hætti:

Þorsteinn Hjaltason, formaður.
Guðmundur Hannesson
Gunnar Hákonarson
Stefán Þór Jónsson,
Sigurður Sigþórsson
Fjalar Úlfarsson
Varamenn
Sigurður Bjarnason
Unnar Helgason



Félagsheimili KKA

Mikil vinna fer fram í nefndum og ráðum félagsins, sem eru margar.

Vetraríþróttahátíðin Éljagangur var haldin í febrúar og sá KKA um nokkra viðburði á hátíðinni. Föstudaginn 10. febrúar hélt KKA snjósléðaspyrnu í Hlíðarfjalli og var flugeldasýning í boði KKA og EY-LÍV að henni lokinni. Daginn eftir hélt svo KKA íslandsmeistaramót í íscrossi á Leirutjörn. Að venju hafði KKA borið bréf í öll hús í innbænum til að segja frá þessum viðburði og vara við hávaða á þessum tíma.

Peningafundur KKA eða framhaldsaðalfundur var svo haldinn 3. mars. Þar var fjallað um fjármál félagsins útkomu 2011 og svo áætlanir fyrir 2012. Ætíð hefur þess verið gætt að halda fjárhagsstöðu félagsins sterkri þ.e. eyða ekki um efni fram og stofna ekki til skulda. Staðan var kynnt félagsmönnum og var hún í þessum skilningi sterk að vanda. Félagið hefur eignast töluvert af eignum í gegnum árin og þarf því að gæta enn meiri varúðar í rekstrin-



Bjarki Sigurðsson

um því það getur verið dýrt að reka eignir og félagið þarf ætíð að eiga haldbært fé til að mæta óvæntum kostnaði. Félagið hefur tekjur af mótahaldi, auglýsingasölu, sölu á kortum í brautir félagsins og félagsgjöldum. Akureyrarbær gerði rekstrarsamning við félagið og fær félagið fé frá bænum skv. honum. Samherji styrkti KKA aftur á þessu ári og skiptir styrkurinn félagið verulega máli. Tekjurnar gera félaginu kleift að halda úti góðri þjónustu fyrir félagsmenn og halda við motocrosssvæðinu, endursvæðinu, tækjum og byggingum.

Vorið var kalt og snjór var lengi að fara svo svæðið kom seint undan snjó. Almennur félagsfundur var haldinn 16. maí þar sem farið var yfir sumarstarfið og fyrirkomulagið á KKA svæðinu.

Í byrjun júní lét KKA gamlan draum rætast og keypti sexhjól til að létta vinnu við undirbúning keppna og ýmis- konar viðhald í brautum félagsins. Hjólið kom sér vel við undirbúning 3. og 4. umferðar Íslandsmótsins í enduro sem KKA hélt á endurosvaldi sínu 16. júní. Fjölmarginir keppendur voru skráðir til leiks að venju, veðrið var frá-



Ungdómurinn æfir sig



KKA svæðið



Einar Sigurðsson

bært og mótið tókst með miklum ágætum í endurolandi félagsins í Torfdal. Þann 11. ágúst hélt KKA Íslandsmót í motocrossi í blíðskaparveðri og tókst mótið gríðarlega vel í alla staði enda er braut KKA orðin á heimsmælikvarða. Keppendur KKA stóðu sig vel á mótum ársins sem voru fjölmörg bæði á Akureyri og annars staðar á landinu.

Aðalfundur KKA var haldinn í október. Bjarki Sigurðsson var kjörinn íþróttamaður KKA. Þetta er í

fjórða sinn sem Bjarki fær titilinn, en áður hefur hann haft hann 2008, 2009 og 2010. Bjarki náði frábærum árangri á árinu þrátt fyrir að hann gat ekki verið með í síðustu umferðum Íslandsmóta í enduro og motocrossi vegna meiðsla.

Akureyri 1. mars 2014

Þorsteinn Hjaltason, formaður KKA



Stofnað 1995

KKA akstursíþróttafélag Ársskýrsla 2013

Árið 2013 var stjórn félagsins skipuð með eftirfarandi hætti:

Þorsteinn Hjaltason, formaður.
Guðmundur Hannesson
Jóhann Hansen
Sigurður Rúnar Sigþórsson
Fjalar Úlfarsson
Baldvin Þór Gunnarsson
Gunnar Valur Eyþórsson
Sigurður Bjarnason

Mikil vinna fer fram í nefndum og ráðum félagsins, sem eru margar.

Vetrariþróttahátíðin Éljagangur var haldin í febrúar og sá KKA um nokkra viðburði á hátíðinni að venju eins og t.d. Íslandsmót í íscrossi og ýmsa viðburði á snjósleðum.

Þann 22. febrúar sótti KKA um að Akureyrarbær úthlutaði félaginu varanlega landi undir endurostarfssemi félagsins. KKA hafði verið úthlutað til bráðabirgða landi til 2015. Þann 15. maí samþykkti skipulagsnefnd að mæla með að KKA yrði veitt land til umráða upp að fjallskilagirðingu, þ.e. landið sem félagið hefur nú til bráðabirgða, en félagið hafði sótt um land upp að gamla Hlíðarfjallsveginum. Málið er því komið í skipulagsferli þ.e. gera þarf breytingar á skipulagi bæjarins til að koma þessu endanlega í gegn, sem getur tekið langan tíma.

Á peningafundi KKA eða framhaldsaðalfundi var að venju fjallað um fjármál félagsins, afkomu á síðasta ári og áætlanir fyrir það næsta. Samherji styrkti KKA aftur á þessu ári. Styrkurinn skiptir félagið verulega máli og hjálpar því við að veita þjónustu á svæðinu, heimamönnum sem og fjölmörgum ferðamönnum til ómældrar skemmtunar.

Félagið stóð fyrir fjölskyldudegi í Víkurskarði þann 30. mars þar sem fjölmargir komu saman og skemmtu sér á snjósleðum, snjóþotum, skíðum og fjölmörgu öðru sem rennur og gæddu sér á kaffi, kakó og köldum kóttalettum.



Dvergarnir sjö



Ekki allir gamlir

Undanfarin ár hefur svæðið komið seint undan snjó en 2013 voru öll gömul met slegin í því sambandi. Ekki var hægt að halda Enduromótið í júní vegna snjóá og bleytu og var ákveðið að fresta því fram í september. Almennur félagsfundur var haldinn í maí þar sem farið var yfir sumarstarfið og fyrirkomulagið á KKA svæðinu.

Formaður KKA hélt fyrirlestur þann 4. júní á formannafundi ÍBA um bætur til tjónþola vegna íþróttaslysa.

KKA keypti hús og kom því fyrir við púkabraut sína. Bætir þetta mjög aðstöðuna, sérlega eru foreldrar ánægðir með skjólið á köldum æfingakvöldum. Þó engum sé kalt á motocrosshjóli þá hefur foreldrum oft kólnað verulega en

þeir eru með börnum sínum á æfingum tilbúnir að hjálpa þeim og hvetja. Margir mættu á ungdómskvöld KKA þann 30. júlí. Farið var yfir æfingar sumarsins og fleira skemmtilegt. Gosið var sopið og pylsum gerð góð skil og sýndi ungdomurinn góða takta í motocrossbrautum félagsins foreldrum til skemmtunar.

Þann 10. ágúst hélt KKA Íslandsmót í motocrossi í blíðskap-



Árleg áramótaferð



Sexhjóla KKA



arveðri og tókst mótið gríðarlega vel í alla staði enda er braut KKA orðin á heimsmælikvarða. KKA sá um síðustu umferðir Íslandsmótsins í þolakstri (enduro) þann 14. september. Fjölmargir keppendur voru skráðir til leiks að venju, veðrið var frábært og mótið tókst með miklum ágætum í endurolandi félagsins í Torfdal. Keppendur KKA stóðu sig vel á mótum ársins sem voru fjölmörg bæði á Akureyri og annars staðar á landinu.

Aðalfundur KKA var haldinn í október. Einar Sigurðsson var kjörinn íþróttamaður KKA 2013 en Einar náði frábærum árangri á árinu.

Akureyri 1. mars 2014

Þorsteinn Hjaltason, formaður KKA